



Uunga
Inatsisartut Sanaartornermut Ataatsimiititaliaat

Asasakka Sanaartornermut Ataatsimiititaliami ilaasortat,

Qujanaq saaffiginnissutissinnut apeqqutissinnullu UA2025/63, paasissutissanik qarasaasiakkt suliarinnittarfiit annerusut Kalaallit Nunaanni inissinneqarnissaat pillugu Inatsisartut aalajangiussaannut tunngatillugu.

21-01-2026
Sagsnr. 2025-18451

Kinguliini Ataatsimiititaliap apeqqutai issuarneqassapput kingornalu akissutikka:

Postboks 1601
3900 Nuuk
Tlf. (+299) 34 50 00
E-mail:
isiin@nanoq.gl
www.naalakkersuis
ut.gl

- 1. Naalakkersuisut naliliippat maanna kabelit imaatigoortut pioreersut pisinnaasaat naammassisinnaasaallu paasissutissanik qarasaasiakkt suliarinnittarfinnik Kalaallit Nunaanni inissiterinissamut isumalluutigissallugit naammattut?**

Tusass A/S-imit paasissutissat pigineqartut tunuliaqutaralugit Naalakkersuisut naliliipput kabelit maanna pigisat pisinnaasaat paasissutissanik qarasaasiakkt suliarinnittarfinnik pilersitsinissamut naammattut. Sooruunami aalajangiisuusussaavoq paasissutissanik qarasaasiakkt suliarinnittarfiup pisariaqartitsinera, maannali pissutissaqanngilaq isumaqassalluni illoqarfinni imaatigut kabelilinni Tusass A/S-ip paasissutissanik qarasaasiakkt suliarinnittarfinnik kiffartuussinissaq killissinnaanaviangikkaa.

Naatsorsuutigineqarporli tigooraavimmi atortut nutarterneqarnissaat aammalu ilimagineqarsinnaalluni sumiiffinni unamminartorsiorsinnaanissaq, paasissutissanik qarasaasiakkt suliarinniffimmik pilersitsiniarluni selskabip inissiffiginiagaa kabelinut imaatigoortunut pissusissamisut attavilerneqarsimangippat.

Kabelit imaatigoortut maanna pigineqartut isumalluutigalugit pisinnaasanut tunniussinnaasanullu aalajangiisuupput paasissutissanik qarasaasiakkt suliarinnittarfiit sorliit pilersikkusunneqarnersut. Selskabinik oqaloqateqarnermit Tasersiami Tarsartuullu Tasersuani neqerooruteqarnermut tunngatillugu selskabit arlallit ilisimatitsinikuupput, paasissutissanik qarasaasiakkt suliarinnittarfinnik taamatut angissusilinnik (IGW-ip tungaanut) namminneq imaatigut kabeliisinnaallutik. Matumani naatsorsuutigineqanngilaq kabelit

imaatigoortut maanna pigisat pisinnaasaat imaluunniit kabelit imaatigoortut amerlassusaat unamminartorsiutaanngilaq.

2. Naalackersuisut sukumiinerusumik nassuiaatigisinnaanerlugit inatsisitigut aporfusinnaasut sorphaanersut, tassunga ilanngullugit aalajangersakkat amigaatigisat imaluunniit aalajangersakkat siunertamut tulluartuunngitsut, paasissutissanik qarasaasiakkut suliarinnittarfinnik pilersitsinissamut ingerlatsinissamullu aporfusinnaasut?

Naalackersuisut maanna sukumiisumik misissuisimanermik peqanngillat, paasissutissanik qarasaasiakkut suliarinnittarfinnik pilersitsinissamut imaluunniit ingerlatsinissamut tunngatillugu aalajangersakkanik siunertamut tulluartuunngitsunik takussutissiisunik. Naalackersuisut ukioq manna misissuisitsisussaapput, tak. 2026-mut Aningaasanut inatsimmi isumaqatigiissut.

Paasissutissanik qarasaasiakkut suliarinnittarfiit anginerusut tassaasussaapput inuussutissarsiutissat nutaat taamaattumillu misissorneqartussaavoq inatsisitigut sinaakutissat eqqortut piginerigut kiisalu nukissiornermi suliaasanut aaqqissuusaanikkut naleqqussarsimanersugut.

Naalackersuisut nukissiornermut immikkoortortaqarfitsinni aningaasarsiorsinnaanermut tunngasut isumannaallisarlugit aallartikkuuvaat, tassani maannakkuugallartoq innuttaasunik pilersuineq pingaarnertut suliarineqartarmat. Taamaattumik naleqqersuuffigisinnaasatsinnik sulianik aningaasarsiorfusimasunik misilittagaqanngilagut. Naalackersuisut naatsorsuutigaat makkununga tunngasut sukumiinerusumik misissorneqassasut: Paasissutissanik qarasaasiani pigisanik isumannaallisaaneq silaannakkullu attaveqatigiinnermut isumannaallisaaneq pillugit inatsisit (GDPR, NIS2), Kalaallit Nunaanni aningaasaliisartut avataaneersut pillugit inatsisit aamma Kalaallit Nunaanni illuutinik piginnittuuneq, aallaavigalugu nukissiornermut imikkkoortortaq.

Paasissutissanik qarasaasiatigut suliarinnittarfinnik pilersitsisarneq nunarsuatsinni arlalinni pisartuq isornartorsiorneqartarpoq sumiiffinni najugaqartunut suliffissanik pilersuinnginnera pillugu, isornartorsiutaasarlunnitaaq sanaartorneq qaangiusimaleraangat najukkani isertitsissutaasartut pilersitsinermi ajoqutaasunut naleqqiullugit pissarsiffiungaaneq ajorneri. Paasissutissanik qarasaasiakkut suliarinnittarfinnik angisuunik pilersitsinermi sinaakutissat suli aalajangersaaffigineqanngillat. Naalackersuisut aalajangiuteqqammerpaat neqeroortitsinermi periaasissaq government-take modelimik taaneqartartoq, Tasersiarmi Tarsartuullu Tasersuani

erngup nukinganit nukissiorfissualiornissamut atatillugu suliarinnittussarsiuussinissami atorpeqartussa. Taamatorluinnaq paasissutissanik qarasaasiakkut suliarinnittarfiit pineqartussaapput.

3. Naalackersuisut erseqqissarsinnaavaat maanna akileraartitseri-aatsimi suut nunat tamat akornanni paasissutissanik qarasaasiakkut suliarinnittarfinnik soqutiginnilersitsinissamut tulluarpallaanngitsutut nalilerneqarsinnaanersut kiisalu pissutsit suut immikkut aarleqquteqartitsilersinnaanersut?

Siuliini akissutinni nassuiarneqartutut Naalackersuisut suli pilersaarutigineqartutut misissueqqissaarsimanngillat. Sammisassaqqissutut taaneqarsinnaasut Naalackersuisunit maluginiarneqarsimasut ilagaat nukissiornerup iluani iluanaarutinut isertitanillu akileraarutinut tunngasut, aningaasaliisartut avataaneersut pineqartillugit.

Tamatumunnga pissutaavoq maanna inatsisini sinaakktissat aalajangersimasut ilaat aatsitassarsiornermut tunngammata ilaallu erngup nukinganit nukissiornermut tunngasuullutik, kisiannili suliffeqarfissuarnut erngup nukinganit nukissiornermit pisisartuusunut tunnganatik. Taamaattumik sukumiinerusumik misissorneqartussaapput akileraartarnermut tunngasut, Kalaallit Nunaanni paasissutissanik qarasaasiakkut suliarinnittarfinnik pilersitsiniarluni aningaasaliisussanik unitsitsisartut.

Itisiliilluni misissueqqissaarnissaaq pisariaqassaaq akileraartitsisarnermi sorpiaat paasissutissanik qarasaasiakkut suliarinnittarfinnik pilersitsinissamut ajoqutaasinnaanersut paasiniaraanni. Naalackersuisut pilersaarutigaat 2026-p ingerlanerani misissuisoqarnissaa, tak. 2026-mi aningaasanut inatsimmi isumaqatigiissut.

Inussiarnersumik inuulluaqqusillunga
Med venlig hilsen



Naaja H. Nathanielsen

Inuussutissarsiornermut, Aatsitassanut, Nukissiutinut, Inatsisit
Atuutsinneqarnerannut Naligiissitaanermullu Naalackersuisoq
Naalackersuisoq for Erhverv, Råstoffer, Energi, Justitsområdet og Ligestilling